

UMBOÐSMAÐUR ALÞINGIS

Pórshamri, Templarasundi 5, 101 Reykjavík
Sími: 510 6700 • Grænt nr: 800 6450 • Mynds: 510 6701
Heimasiða: www.umbodsmadur.is

AKUREYRARBÆR

Mótt.: 12. 10. 2016

Málsnr.: 2016100111

Lykill: 01-345

Reykjavík, 10. október 2016

Akureyrbær
Geislagötu 9
600 Akureyri

Umboðsmaður Alþingis hefur um nokkurt skeið haft til athugunar mál sem lúta að meðferð og ráðstöfun eignarhluta sveitarfélaga í fyrirtækjum sem þau eiga eignaraðild að m.a. með tilliti til meðferðar þeirra á eigendavaldi sínu og þess eftirlits sem sveitarstjórn ber að hafa um málefni sveitarfélaga, þ.m.t. ráðstöfun eigna þeirra. Í lögum nr. 85/1997, um umboðsmann Alþingis, er honum sérstaklega falið að gæta þess að jafnræði sé í heiðri haft í stjórnsýslunni. Af þessu tilefni og með hliðsjón af þeim upplýsingum sem fram hafa komið í fjölmöldum um ráðstöfun Akureyrbæjar á hlut sveitarfélagsins í fjárfestingarfélaginu Tækifæri hf. snemma á þessu ári er þess óskað, sbr. 7. gr. laga nr. 85/1997, um umboðsmann Alþingis, að sveitarfélagið láti umboðsmanni í té upplýsingar og gögn varðandi eftirtaldar ákvárdanir, þ.m.t. afrit af fundargerðum sveitarstjórnar og nefnda þar sem þær kunna að hafa komið til umfjöllunar og þau gögn sem kunna að hafa verið lögð fram á slíkum fundum:

1. Einstakar ákvárdanir sveitarfélagsins sem lúta að undirbúnungi sölu á framangreindum eignarhlut þess, þ.m.t. ákvárdanir sem kunna að hafa verið teknar af þess hálfu um hvernig staðið skyldi að því að afla kauptilboða í hann.
2. Einstakar ákvárdanir sveitarfélagsins sem lúta að samningsgerð um söluna, þ.m.t. ákvárdanir sem kunna að hafa verið teknar af hálfu sveitarfélagsins um afstöðu þess til kauptilboða.
3. Einstakar ákvárdanir sem sveitarfélagið kann að hafa tekið um að trúnaður skyldi ríkja um sölu þess á umræddum eignarhlut, en samkvæmt því sem fram hefur komið í fjölmöldum fór umrædd sala fram í „leyndu ferli“.

Þess er óskað að framangreindar upplýsingar og gögn endurspegli eftir því sem kostur er hvernig aðkomu sveitarstjórnar að umræddum ákvörðunum var hattáð. Óskað er eftir því að umbeðnar upplýsingar og gögn berist umboðsmanni eigi síðar en 7. nóvember nk.

Tekið skal fram að athugun umboðsmanns lýtur ekki á þessu stigi að ráðstöfun Akureyrarbæjar á eignarhlut sveitarfélagsins í umræddu fyrirtæki. Framangreind beiðni er sem fyrr segir sett fram í tilefni athugun umboðsmanns á öðrum málum og þá með það fyrir augum að umbeðnar upplýsingar og gögn kunni að nýtast umboðsmanni við þá athugun. Komi til þess síðar að umboðsmaður telji tilefni til að taka stjórnsýslu sveitarfélagsins í framangreindu máli til nánari athugunar mun hann gera sveitarfélaginu grein fyrir því.

Virðingarfyllst,
f.h. umboðsmanns Alþingis,



Flóki Ásgeirsson